



Adresa: **ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-516-4/24**

Datum: **14.01.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «PALAVRA» d.o.o. Travnik za donošenje rješenja o vodnoj dozvoli za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za preradu drveta u naselju Gladnik - Nova Bila, općina Travnik, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «PALAVRA» d.o.o. Travnik daje se vodna dozvola za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za preradu drveta izgrađenog u naselju Gladnik – Nova Bila na zemljištu označenom kao k.č. broj: 112/12, 112/13, 112/14, 112/20, 112/21, 112/26, 112/29, 112/42, 112/43, 112/44, 112/58, 112/59, 112/60, 112/63, 112/64 i 112/70 K.O. Nova Bila, općina Travnik.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog proizvodnog pogona za preradu drveta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se u roku važenja ovog Rješenja izradi i reviduje projektna dokumentacija sistema prikupljanja i tretmana tehnoloških otpadnih voda nastalih u procesu parenja drveta (kondenzat nastao parenjem trupaca u bazenima). Tehnološke otpadne vode nastale u procesu parenja trupaca u bazenima moraju se prikupljati zasebnim kanalizacionim sistemom i odvesti na tretman prije ispusta u kanalizacioni sistem. Projektnom dokumentacijom predvidjeti lokaciju postrojenja za tretman otpadnih voda unutar kruga u vlasništvu podnosioca zahtjeva tako da je isti dostupan za kontrolu, čišćenje i pražnjenje kao i izgradnju okna za monitoring prije ispusta prečišćenih voda u mjesnu kanalizacionu mrežu odnosno u rijeku Lašvu.
 - 2.3. Da se u roku važenja ovog Rješenja izvedu projektom predviđeni radovi na izgradnji sistema za prikupljanje i tretman tehnoloških otpadnih voda nastalih u procesu parenja drveta te da se po okončanju istih blindira postojeći ispušni tehnoloških otpadnih voda prema ranije izgrađenom objektu za tretman otpadnih voda izgrađenom na parceli označenoj kao k.č. broj 112/33 koja pripada drugom privrednom subjektu.
 - 2.4. Projektna dokumentacija treba biti urađena i revidovana od strane pravnih lica koja ima ovlaštenje (lista «A») shodno Pravilniku o uslovima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine FBiH», broj 17/08 i 38/12).
 - 2.5. Da se usvojenim tehničkim rješenjem iz projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispusta u recipijent, ostanu u maksimalno dopuštenim granicama definisanim u Prilogu 31. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.6. Objekte, kako postojeće, tako i one koji će se, nakon realizacije predviđenih radova, koristiti u svrhu prikupljanja, odvodnje i tretmana tehnoloških otpadnih voda nastalih na lokalitetu pogona (bazeni, kanali za prihvatanje otpadnih voda, postrojenje za tretman otpadnih voda, slivničke rešetke, kompletna kanalizaciona mreža...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.

- 2.7. U toku izvođenja radova na predmetnom lokalitetu neophodno je osigurati stručni nadzor nad izvođenjem istih te poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
- 2.8. Da se nakon izgradnje i stavljanja u funkciju postrojenja za tretman otpadnih voda, redovno prate parametri potrebni za vođenje tehnološkog procesa prečišćavanja, vrši evidencija mjerenja količina otpadnih voda koje se prečišćavaju te redovno vrši održavanje postrojenja i ostale opreme i o tome vodi posebna evidencija.
- 2.9. Čišćenje i održavanje postrojenja za tretman otpadnih voda, nakon izgradnje, te skladištenje i zbrinjavanje sadržaja (taloga) iz postrojenja može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu pražnjenja, odvoza i zbrinjavanja sadržaja iz postrojenja za tretman otpadnih voda kao i preuzimanje drugog otpada neophodno je voditi službenu evidenciju i arhivu. Korisnik je obavezan da redovno vodi dnevnik o pražnjenju i odvozu sadržaja uređaja.
- 2.10. Korisnik pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.11. Talog iz postrojenja, piljevina, drveni otpad kao i ostali otpad koji nastaje na predmetnom lokalitetu kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotoke i na njegove obale.
- 2.12. Da se prikupljanje i privremeno skladištenje piljevine i otpadaka od drveta iz procesa prerade vrši na način da se onemoguću njegovo rasipanje po okolnom terenu.
- 2.13. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa čvrstim opasnim i neopasnim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 2.14. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda (tačka 25. tabele) te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog pogona za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.

10. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od **1 (jedne) godine** od dana pravosnažnosti ovog Rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «PALAVRA» d.o.o. Travnik obratilo se ovoj Agenciji dana 28.10.2024. godine sa zahtjevom za donošenje rješenja o vodnoj dozvoli za proizvodni pogon za prerađu drveta izgrađen u naselju Gladnik – Nova Bila na zemljištu označenom kao k.č. broj: 112/12, 112/13, 112/14, 112/20, 112/21, 112/26, 112/29, 112/42, 112/43, 112/44, 112/58, 112/59, 112/60, 112/63, 112/64 i 112/70 K.O. Nova Bila, općina Travnik.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra broj: 051-0-RegZ-24-000488 izdat dana 28.03.2024. godine od strane Općinskog suda u Travniku,
- Kopija Uvjerenja o registraciji obveznika poreza na dodanu vrijednost izdatog dana 11.11.2005. od strane Uprave za indirektno-neizravno oporezivanje Banja Luka,
- Kopija Rješenja kojim se odobrava obavljanje djelatnosti rezanja drveta broj: 03-18-1499/09 izdatog dana 16.08.2010. godine od strane Ministarstva privrede Srednjobosanskog kantona,
- Kopija Rješenja o vodnoj dozvoli broj: UP1-06-21-1379/2024 izdatog dana 08.07.2024. godine od strane Ministarstva poljoprivrede, vodoprivrede i šumarstva Srednjobosanskog kantona,
- Kopija katastarskog plana za parcele označene kao k.č. broj: 112/12, 112/13, 112/14, 112/20, 112/21, 112/26, 112/29, 112/42, 112/43, 112/44, 112/58, 112/59, 112/60, 112/63, 112/64 i 112/70 K.O. Nova Bila, općina Travnik,
- Kopija Posjedovnog lista broj 967 izdatog dana 19.05.2021. godine od strane Službe za urbanizam, građenje, katastar i imovinsko-pravne poslove Općina Travnik,
- Kopije Rješenja o odobrenju za gradnju objekata izgrađenih na parcelama označenim kao k.č. broj: 112/42, 112/63, 112/90 i 112/19 izdatih od strane Službe za urbanizam, građenje, katastar i imovinsko-pravne poslove Općina Travnik,
- Kopije Rješenja o odobrenju za upotrebu objekata izgrađenih na parcelama označenim kao k.č. broj: 112/42, 112/63, 112/60, 112/59, 112/58, 112/90 i 112/19 izdatih od strane Službe za urbanizam, građenje, katastar i imovinsko-pravne poslove Općina Travnik,
- Kopija Rješenja o urbanističkoj saglasnosti broj: 04/02-23-905/01 za formiranje građevinske parcele za dio ekonomskog kompleksa objekta furnirica i briketara u krugu preduzeća «SEBEŠIĆ» Nova Bila u naselju Nova Bila na zemljištu označenom kao k.p. dio 112 K.O. Nova Bila izdatog dana 25.05.2001. godine preduzeću «FURNIR» d.o.o. Nova Bila od strane Službe za urbanizam, građenje, katastar i imovinsko-pravne poslove Općina Travnik,
- Kopija Zaključka broj: UPI-07-19-13426/23 o odbacivanju zahtjeva za obnovu/izdavanje okolišne dozvole izdatog dana 11.03.2024. godine od strane Ministarstva prostornog uređenja, građenja, zaštite okoliša, povratka i stambenih poslova Općina Travnik,
- Glavni projekat vanjskog uređenja hidroinstalacija kruga firme «PALAVRA» d.o.o. Travnik urađen od strane «EDI-ING» d.o.o. Donji Vakuf (broj: 24/06-TR/1, juni 2024. godine) - na uvid,
- Kopija Izvještaja o monitoringu kvaliteta i kvantiteta otpadnih voda broj: 1277/23 urađenog dana 12.09.2023. godine od strane «Inspekt RGH» d.o.o. Sarajevo,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-516-3/24 od 20.11.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Pogon za preradu drveta firme «PALAVRA» d.o.o. Travnik izgrađen je u naselju Nova Bila, općina Travnik. U krugu predmetnog pogona smješteni su sljedeći objekti: pilana, dva pogona za proizvodnju furnira, bazeni za parenje sirovine (bukva, hrast, jasen), sušare, skladište trupaca, kotlovnica, silos za piljevinu, nadstrešnice za sirovu rezanu građu, skladišta, upravna zgrada i radno manipulativne površine. Primarna djelatnost je proizvodnja ljuštenog i sječenog (rezanog) furnira, a pored toga proizvode se elementi za namještaj, rezana građu itd. Sam tok proizvodnje furnira je u potpunosti automatizovan.
- Za snabdijevanje vodom i ispuštanje sanitarno-fekalnih otpadnih voda podnosioc zahtjeva posjeduje Rješenje o vodnoj dozvoli izdato od strane nadležnog kantonalnog ministarstva.
- Oborinske vode sa krovova objekata i radno-manipulativnih površina prikupljaju se sistemom slivnika i kanalizacione mreže i odvođe u mjesnu kanalizaciju.
- Tehnološke otpadne vode nastale procesom parenjem trupaca u otvorenim bazenima (u natkrivenom prostoru izgrađeno ukupno 12 bazena sa ispuštima) prikupljaju se i odvođe zasebnim kanalizacionim sistemom u postojeći objekat za tretman otpadnih voda lociran na parceli označenoj kao k.č. broj 112/33 koja pripada drugom privrednom subjektu a koji je ranije izgrađen za potrebe preduzeća «SEBEŠIĆ» Nova Bila.
- U toku uviđaja, pristup postojećem objektu za tretman otpadnih voda nije bio moguć niti su od strane podnosioca zahtjeva dostavljeni podaci o čišćenju i održavanju istog. Konstatovano je da se otpadne vode nakon objekta za tretman, zajedno sa oborinskim vodama sa platoa kompleksa odvođe u mjesni kanalizacioni sistem sa krajnjim ispustom u Lašvu.
- Piljevina nastala u postupku obrade drveta prikuplja se zatvorenim sistemom odsisa odvodi u silos, a koristi se kao energent za zagrijavanje kotlova u postupku parenja i sušenja drvene građe.
- Prema Izvještaju o monitoringu kvaliteta i kvantiteta otpadnih voda broj: 1277/23 urađenom dana 12.09.2023. godine od strane «Inspekt RGH» d.o.o. Sarajevo, ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog proizvodno poslovnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «PALAVRA» d.o.o. Travnik ispunio minimum uslova za donošenje rješenja o vodnoj dozvoli za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za preradu drveta izgrađenog u naselju Gladnik – Nova Bila, općina Travnik, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-516-2/24 od 12.11.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 08/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.



Dostaviti:

- «PALAVRA» d.o.o. Travnik
Gladnik bb, Nova Bila, 72276 Travnik
- ⊖ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava